

He mea hira ngā kaiwhakaatu ki te pūnaha taihara ture i Aotearoa. Ka tuku taunakitanga tino whai take rātau i roto i ngā whakatewhatewhanga me ngā kēhi kōti me te āwhina kia mātua tika te tohu i te hunga hara mō ā rātau taihara.

He mea nui ki te kimi i te tautoko tika māu. He pokapū kei tō rohe e whakarato tautoko kare ā-roto me te whaitake, he mea ngaio. Waea atu ki te Victims Information Line ki 0800 650 654 ki te rapu mōhio mō ngā tari tūtata ki a koe.

Tirohia te pito o tēnei pukameka mō ngā whakapā matua me tētahi rārangi kupu.

Ngā tika pāpurenga

E whai tika ana ngā pāpurenga taihara i Aotearoa. Mēnā he tamaiti, he taiohi rānei te pāpurenga, he ōrite ngā tika ā tōna matua, kaitiaki rānei ki te pāpurenga.

E whai tika ana koe kia whakamōhiohia koe mō ngā ratonga āwhina i a koe, kia whakamōhiohia haerehia koe mō te kēhi i roto i te kōtime te mōhio anō ki ngā mea ka pā mai ina haere koe ki te kōti.

E whai tika ana koe ki te kōrero atu ki te kōti mō te pānga mai o te taihara ki a koe. Mēnā ko koe te pāpurenga o tētahi taihara nā te tamaiti, taiohi rānei, e whai tika ana koe ki te haere ki tētahi hui rōpū ā-whānau me te tuku kōrero anō mō ngā mea e hiahia ana koe kia puta.

I ētahi kēhi, e whai tika ana koe, tō māngai rānei ki te kōrero mō ngā mea pēnei i te pēhanga ingoa, te utu here, whakarautanga kāinga, te tukuhere rānei.

Ko te tikanga ka hūmārika, ka aroha, ka whakaute hoki ngā āpiha kōti, ngā pirihihana me ētahi atu i roto i te kēhi ki a koe. E whai tika ana koe ki te tūmataiti.

Pānuihia te Victims Code mō ētahi atu kōrero mō ō tika me ngā whakaritenga e tūmanako ana māu. Kei runga i tā mātau paetukutuku victimsinfo.govt.nz me ētahi atu kōrero whaitake.

Mēnā ki ō whakaaro kāore anō kia tutuki ō tika, kāore rānei i pai ngā ratonga ki tāu i tūmanako ai, ka taea e koe te tuku amuamu. Tirohia a victimsinfo.govt.nz, waea atu rānei ki te Victims Information Line i 0800 650 654.

Te whakatewhatewhanga

Ina pūrongoia he taihara, ka tohua he pirihihana hei whakahaere i te kēhi. Mā te pirihihana whakahaere i te kēhi e kōrero ki a koe me tō matua, kaitiaki rānei me te tohutohu i a koe me kōrero ki a wai mō ngā tautoko.

Ka kōrero anō te pirihihana mō ngā take haumaruru mōu, ā, me pēhea te whakarite i ēnei.

TE UIUI

I muri tonu mai i te pūrongo i te taihara, ka hiahia ngā pirihihana ki te uiui i a koe me te tuhi i tō tauākī. Kei te momo taihara e whakarite ai ka pēhea te uiui. Ka whakamārama te pirihihana i tēnei ki a koe.

Ka taea te hopu i tō tauākī ki te ataata, te tuhi rānei. Ka whiwhi koe i tētahi tārua o tō tauākī ā-tuhi. Ahakoa i tuku tauākī koe, tērā pea me whakautu pātai tonu koe i te kōti.

He mea nui tonu kia kōrero koe mō ngā mea pā i roto i āu ake kupu, nō reira ko te tikanga kia kua koe e kōrero ki tō whānau me ētahi atu tāngata mō te taihara i mua i te uiui.

Ka whakapau kaha ngā kaiuiui ki te whakarite kia kotahi anake te uiui e hiahiatia ana māu, engari i ētahi wā me uiui anō.

I te wā o te whakatewhatewha, ka kōrero anō ngā pirihihana ki ētahi atu kaiwhakaatu me te kohikohi taunakitanga. Mēnā ka nui ā rātau taunaki ka hopukia e rātau he tangata me te whakapā hē anō ki runga i a ia mō tētahi taihara.

UTU HERE

Ina hopukina he tangata, ka tukuna pea ia kia tae rawa ki te wā e haere ai ia ki te kōti. E kīia tēnei he utu here (bail). I ētahi wā he here anō mō te wāhi e āhei ana te tangata ki te noho ka mutu me te wā me tae ia ki te kāinga. Ki te whakaaro ngā pirihihana ka noho mōrearea koe, ētahi atu rānei i roto i te hāpori, ka puritia te tangata ki te whare herehere kia tae te wā mōna kia haere ki te kōti, ina tonu anō mō te utu here.

Mēnā he pārurenga koe nō tētahi taihara nui, ka tonoa kōrua ko tō matua, kaitiaki rānei mō ō kōrua whakaaro mō te tukunga o te tangata ki te utu here, ā, ka whakamōhiohia atu mēnā ka whakaaehia, kāore rānei. (Kei te rārangi kupu i te pito o tēnei pukameka ngā whakamārama he aha te taihara nui.)

Ka pātaihia anō tō matua, kaitiaki rānei mēnā kei te hiahia ia ki te whakauru ki te rēhita whakamōhio pārurenga kia pai ai te whakamōhio atu i a koe kei te ahatia te tangata hara i muri i tana whakawhiu. Ka taea e koe te rēhita ina eke koe ki te 17 tau. Mō te whiwhi mōhiotanga anō mō ēnei, tirohia ētahi atu o ā mātau mātārere, pukameka hoki i victimsinfo.govt.nz.

TE TAUĀKĪ PĀNGA PĀRURENGA

Mēnā he pārurenga koe o tētahi taihara, ka pātaihia kōrua ko tō matua, kaitiaki rānei mēnā e hiahia ana koe ki te tuku tauākī pānga pārurenga. Ka whakamārama atu tēnei ki te kōti i te pānga o te taihara ki a koe. Ka taea e te pirihihana whakahaere i tō kēhi, Manaaki Tangata, tētahi atu tari tautoko rānei te āwhina i a koe ki te tuhi i tēnei tauākitanga.

I ētahi wā, ahakoa te kaha ngaio o te whakatewhatewhanga, kāore i te nui ngā taunakitanga hei hopu ā-ture, te heri rānei i te kēhi ki te kōti. Ehara i te mea kāore koe i whakaponohia.

Tautoko

Ka taea e koe te tiki tautoko mō te wā e whakatewhatewhahia ai tō kēhi. Ka taea e koe, e tō matua, kaitiaki rānei te waea atu ki te Victims Information Line i 0800 650 654 ki te rapu mōhio mō ngā tari tautoko atu anō i roto i tō rohe. Ka taea rānei te whakapā atu ki Manaaki Tangata i 0800 842 846 – ka taea e Manaaki Tangata te tuku tautoko ki ngā kaiwhakaatu hāmene katoa me ō rātau kaitautoko.

TE ĀPIHA KAIĀRAHI

Ka taea e koe te waea, te imēra rānei i te āpiha pirihihana kaiārahi ki te rapu kei te pēhea ngā whakanekeneke o te kēhi.

KAITOHUTOHU PĀRURENGA KŌTI

Mēnā he pārurenga koe nō tētahi taihara, ka whakapā atu tētahi kaitohutohu kōtiki a koe i muri i te haerenga tuatahi a te whakapaenga ki te kōti.

Nāna te mahi ki te whakamōhio haere i a koe mō tō kēhi me ngā mea ka taea e koe. Ka taea ano e ia te kōrero atu ki a koe me haere koe ki hea tiki tautoko ā-ngākau, ā-pūtea hoki. He whakamārama anō kei roto i te mātārere Ngā ratonga mā ngā pārurenga mō te ratonga.

Ka taea e koe te whakapā hāngai atu ki tō kaitohutohu pārurenga kōti, mā te Victims Information Line rānei i 0800 650 654.

NGĀ RAUEMI MĀ NGĀ KAIWHAKAATU TAMARIKI

Ka taea e ngā kaiwhakaatu tamariki te tiki rauemi pēnei i ngā hoahoa, pānui me ngā pukapuka hei āwhina i a rātau mō te hātepe kōti. Pātaihia atu he kaitohutohu pārurenga kōti i roto i tō rohe mō ēnei rauemi.

NGĀ ARATOHU MŌ NGĀ POKAPŪ KĀWANATANGA

Kei reira ngā aratohu mō ngā pokapū kāwanatanga e mahi ana me ngā kaiwhakaatu tamariki me ā rātau kaitautoko. Ka kite koe i ēnei aratohu i www.victimsinfo.govt.nz.

TE TAUTOKO Ā-PŪTEA

E wātea ana ngā pūtea mā ngā pārurenga taihara nui (Kei te rārangi kupu i te pito o tēnei pukameka ngā whakamārama he aha te taihara nui.) Ka taea e ēnei takuhe te āwhina i ngā utu whakarite i ngā pānga o te taihara.

Mō te rapu mēnā ka taea e koe te tiki pūtea, ā, me te nui o te pūtea, haere ki victimsinfo.govt.nz, waea atu rānei ki Manaaki Tangata i 0800 842 846.

Ka taea pea e ngā kaiwhakaatu te kerēme whakapaunga mai i te kōti. Pātai ki tō kaitohutohu pārurenga kōti mō ngā āwhina.

I te kōti

Ko te tikanga he maha ngā tūnga a te whakapaenga (te tangata whakatuaki taihara) ki te kōti, hei taura, ki te whakapuaki he hara tōna, kore hara rānei, mō te titiro rānei a te kaiwhakawā i ngā taunakitanga.

Ki te whakapuaki te tangata kei te hara ia, ka whakawhiua ia i taua rā tonu, ka whakatauhia rānei he rā mō te whakawātanga whiu. Kua kore koe e tuku taunakitanga atu anō.

Ki te whakapuaki te whakapaenga kāore ia i hara, ka whakawāhia te kēhi i te kōti, ā, me tuku taunakitanga koe hei kaiwhakaatu (Te noho hei kaiwhakaatu).

TE MĀTAURANGA KŌTI MŌ NGĀ KAIWHAKAATU TAMARIKI

He roa ngā kēhi kōti i ētahi wā, ā, he uaua. Kāore i te ōrite ki ērā e whakaaturia ana ki te pouaka whakaata. Mēnā me tuku taunakitanga, ka taea e koe te tono mō te Court Education for Young Witnesses. He kaupapa tēnei e whakaratoa ana e ngā kaitohutohu pāpurenga mō ngā kaiwhakaatu tamariki KATOIA i roto i ngā kōti pakeke (kaua mā ngā whakapaenga hara). Ka taea e tētahi kaiwhakaatu tamariki, tana kaitautoko rānei te whakapā atu ki te kaitohutohu pāpurenga kōti i te kōti ki te tono mō tēnei ratonga.

Mēnā kua tono koe mō te Court Education for Young Witnesses, ka whakapā atu te kaitohutohu pāpurenga kōti ki a koe tata i te toru wiki i mua o te taenga o te kēhi ki te kōti. Ka whakamāramahia haerehia kōrua ko tō matua, kaitautoko rānei ki ngā whakahaere o te kōti, ko wai ka noho ki hea, ā, he aha ngā mahi a ngā tāngata. Ka heria anō pea koe e ia ki te tiroiro i te rūma kōti.

Ka taea e koe te whakapā atu ki tō kaitohutohu pāpurenga kōti o tō rohe mā te Victims Information Line rānei i 0800 650 654.

TE TAIHARA TAIIOHI

Mēnā nā tētahi tamaiti, taiohi rānei te mahi taihara, he rerekē te katoa o te hātepe nā te mea ka whai i te hātepe ture taiohi. Tērā pea ka whai wāhi ki tētahi hui whānau ā-rōpū. Mēnā he pāpurenga koe nō te taihara, ka pōwhirihia koe ki te hui. Ka taea anō e koe te haere atu ki te whakawātanga Kōti Taiohi. Ka taea e koe te heri tāngata hei kaitautoko ki te hui whānau ā-rōpū me te kōti.

Ka mātua whakarite te Kairuruku Kōti Taiohi, e mahi ana mā Te Tari Āwhina i te Tamaiti, te Rangatahi, tae atu ki te Whānau, kei te mōhio koe mō te kēhi me te wāhi ki a koe.

Ka haere ētahi kēhi taiohi tino taumaha ki te pūnaha kōti pakeke.

Te noho hei kaiwhakaatu

He wāhanga tino nui tō ngā kaiwhakaatu ki roto i ngā kēhi kōti. Ka taea e rātau te tuku taunakitanga mō ngā mea i puta.

I MUA I TE KŌTI

Ki te hiahiatia koe hei kaiwhakaatu, ka kōrero atu te pirihihana whakahaere i tō kēhi, te kaitohutohu pāpurenga kōti rānei i te wā me te wāhi me tae atu koe ki te kōti me te wāhi hei haerenga atu. Ka tukuna anō tētahi pānui whaimana i tō kainga.

I mua i te whakawātanga o te kēhi i te kōti, ka tūtaki te pirihihana whakahaere i te kēhi ki a koe me te whakaatu i tō uiui i hopu ataataia ki te whakamaumahara i a koe ki ō kōrero i tō uiui. Ka kōrero anō i a ki a koe mō te āhua o tō tuku i ō taunakitanga.

Me kōrero atu koe ki te pirihihana whakahaere i tō kēhi, ki tō kaitohutohu pāpurenga kōti, tō kaimahi tautoko whaiaro rānei mēnā e hiahia ana koe i ngā āwhina rongo, nekeneke, whakamāori reo rānei i roto i te kōti.

TE TUKU TAUNAKITANGA

Ka taea e te pirihihana whakahaere i te kēhi, te kaitohutohu pāpurenga kōti rānei te tūtaki i a koe me tō whānau i te kōti, i waho rānei. Ka heria koe ki tētahi wāhi tatari motuhake, kia kore ai koe e kite i te whakapaenga, i ana kaitautoko rānei. Engari tērā pea ka kite tonu koe i a rātau i roto me waho o te kōti.

Hei kaiwhakaatu, ka pātaihia koe ki ētahi pātai mō ngā mea i pā, mō ō mōhio rānei mō te taihara.

I mua i tō tuku taunakitanga, me kī taurangi koe ki te kōrero pono. Ka taea e koe te tuku oati (he kī taurangi whakapono), te tuku whakaū pono (he kī taurangi whakapono-kore).

Mēnā i mau tō uiui tuatahi ki te ataata, ko te tikanga ka whakaaturia ki te kōti. Ka tonoa koe ki te whakautu i ngā pātai a te kaiwhiu me te rōia a te whakapaenga. He pātai anō pea ā te kaiwhakawā ki a koe.

Kāore e whakaaehia te hunga pāpāho ki te pūrongo i te ingoa o te kaiwhakaatu tamariki, ētahi taipitopito rānei e mōhiohia ai ia.

He mea nui tō haumaruru. Mēnā he māharahara ōu ahakoa te wā mō tō haumaruru i te kōti, me kōrero atu ki tētahi pirihihana, āpiha whakamaruru rānei.

NGĀ KŌWHIRINGA TUKU TAUNAKITANGA

Ka taea e tō matua, kaitiaki, tētahi atu kaitautoko rānei te noho i tō taha ina tuku taunakitanga koe.

E toru ngā tikanga matua e taea ana mō te tuku taunakitanga ki te kōti: te pouaka whakaata ara iahiko kati, i muri i tētahi pātu, te kore pātu rānei.



Te ara iahiko pouaka whakaata rāhui Ka taea pea e koe te tuku i ō taunakitanga mā tētahi hononga ataata i tētahi rūma wehe kē, kia kore koe e noho ki te rūma kōti. Ka taea e koe te kite i te kaiwhakawā me ia rōia ina tukutuku pātai mai rātau engari kāore koe e kite i ētahi atu.



Kei muri ārai. Mēnā kei te tuku taunakitanga koe i roto i te rūma kōti, ka taea te whakatū ārai kia kore ai koe e kite i te whakapaenga. Ka kite tonu koe i ētahi atu tāngata i roto i te rūma kōti.



Kāore he ārai. Kei a koe te tikanga mēnā e hiahia ana koe ki te tuku taunakitanga mai i te pouaka kaiwhakaatu, ā, ka kitea koe e ngā tāngata katoa i te rūma kōti.

Te whakataunga me te whiu

I te mutunga o te whakawātanga, ka kitea mēnā i hara, korehara rānei te whakapaenga. (I ētahi kēhi – hei tauira, kāore te rōpū whakawā e whakaae tahi ana ki tētahi whakataunga – ka tū anō pea he whakawā.) Ahakoa ka whakatauhia te whakapaenga kāore ia i hara, ehara i te mea kāore koe i whakaponohia. He take ture me te taunakitanga te āhua o ngā kēhi.

Mēnā ka kitea kāore te whakapaenga i te hara, ka wātea ia ki te haere. Ka ohorere pea i tēnei, ā, ka hiahia pea kōrua ko tō matua, kaitiaki rānei ki te kōrero mō tēnei ki tō kaitohutohu kaimahi kōti, kaimahi tautoko rānei.

Mēnā ka kitea i hara te tangata, ka whakawhiua pea ia i taua rā tonu, ka whakatauhia rānei he rā mō tētahi whakawātanga whiu.

NGĀ PĪRA

He tika ā te kaiwhiu me te tangata hara ki te pīra i te whakataunga me te whakatau whiu. Ko te tikanga o tēnei ka riro mā tētahi kōti teitei ake e tiroiro anō te kēhi. Ki te pēnei, ka whakamōhiohia koe e te kaiwhiu mō te hātepe.

WHAKATAU WHIU

Me mātua tiroiro te kaiwhakawā ki ngā āhuatanga maha ina whakawhiu ia i te tangata hara, pēnei nā, he aha ngā whakawhiu o mua mō ngā taihara ōrite me ngā pūrongo mō te tangata hara, me ngā tauākī pānga pāpurenga.

Ki te whakaae te kaiwhakawā, ka taea e kōrua ko tō matua, kaitiaki rānei te pānui i tētahi wāhanga, i te katoa rānei o tō tauākī i roto i te kōti i te whakawātanga whiu. Tono kia ui tō kaitohutohu pāpurenga kōti, te pirihimana whakahaere i tō kēhi rānei ki te kaiwhakawā mōu.

I muri i te kōti

Ina whakatauhia i hara ia, he maha ngā whakawhiu ka taea, pēnei i te mauhere, he whiu hapori, he whaina rānei.

TE RĒHITA WHAKAMŌHIO PĀPURENGA

Mēnā he pāpurenga koe nō tētahi taihara, ka taea e tō matua, kaitiaki rānei te rēhita ki te rēhita whakamōhio pāpurenga ki te tiki kōrero mō te tangata hara, pēnei nā, kei hea te kēhi i roto i te hātepe kōti, mēnā kua tukuna rangitahitia te tangata hara mai i te whare herehere, ā, mēnā ka tukuna te tangata hara ki te tukuhere. Ka taea e koe te rēhita ina eke koe ki te 17 tau.

Ka kōrero te pirihimana whakahaere i tō kēhi ki a koe mō te hātepe. Me noho hou tonu ō taipitopito whakapā kia whiwhi ai koe ki ngā kōrero mai i te rēhita whakamōhio pāpurenga.

Ngā tangata whakapā matua

He tautoko kei reira mōu ahakoa kei tēhea wāhanga koe o te pūnaha ture taihara, ā, ka taea e ngā tautoko whaiaro te āwhina i a koe ki te whakarite i ngā pānga o te taihara.

Anei ngā taipitopito whakapā mō ētahi tino ratonga mā ngā pāpurenga me ngā tātanga e pākia e te taihara. Ka kitea e koe he kōrero atu anō mō ngā ratonga mā te waea atu ki te Victims Information Line i 0800 650 654 (9am ki 6pm mai i te Mane ki te Paraire), haere rānei ki victimsinfo.govt.nz

ACC

acc.co.nz

0800 101 996 Claims Helpline

0800 735 566 Sensitive Claims Helpline

(mō ngā pāpurenga koeretanga)

Ngā kaitohutohu pāpurenga kōti

0800 650 654 Victims Information Line

Ara Poutama Aotearoa (Department of Corrections)

04 460 3000

corrections.govt.nz

Te Poari Tukuhere (New Zealand Parole Board)

0800 PAROLE (727 653)

paroleboard.govt.nz

Te tautoko whaiaro

Tirohia a victimsinfo.govt.nz, te wāhanga ratonga āwhina whaiaro rānei i roto i te puka waea.

Ngā Pirihimana

Ka kitea e koe tō teihana pirihimana tūtata i police.govt.nz, i roto rānei i ngā whārangi i mua o te puka waea.

Manaaki Tangata

0800 VICTIM (842 846) 24 hāora ia rā

www.victimsupport.org.nz

Women's Refuge

0800 REFUGE (733 843) 24 haora i te rā

womensrefuge.org.nz

Ngā ratonga whakamāori a Language Line

0800 656 656

9am–6pm Mane-Paraire, 9am–2pm Rāhoroi

Rārangi kupu

Utu here

Ina tukuna he tangata kua whakapā hē e ngā pirihimana me te here i runga i a ia me haere ki te kōti.

Kaitohutohu pāpurenga kōti

He kaimahi nō te Tāhū o te Ture ka whakamārama i te hātepe kōti me te whakamōhio haere i ngā pāpurenga mō te kauneketanga o mō ā rātau kēhi.

Whakapaenga

Te tangata ka whakatuakina ki te taihara.

Te kōhurutanga

Ina kōhurutia he tangata e tētahi atu tangata.

Tangata hara

Te tangata ka whakaharaina ki te taihara. (I mua i te whakaharaina ki te hara, e mōhiotia ana te tangata e whakapaehia ana mō te hara ko ia te 'whakapaenga'.)

Te tukuhere

Ina tukuna tētahi tangata hara i te whare herehere ki te whakamutu i tana whiunga i roto i te hapori. Me mātua whai i ētahi here whāiti.

Te ture whakahōrite

E taea ana ngā pāpurenga mā te ture whakahōrite te kōrero atu ki tētahi tangata hara mō te pānga o āna mahi, te whakauru whakaaro mō te whakataurite i te hara, me te tīmata ki te whakarite i ētahi o ngā pānga o te taihara. Ka karangahia he hui ture whakahōrite

Taihara nui

- He taihara koeretanga, tētahi patunga nui.
- He taihara ko te mutunga he wharanga kino, he mate rānei.
- He taihara e noho mātakutaku tonu ana te pāpurenga mōna anō, mō te ora rānei o tōna whānau.

Te rēhita whakamōhio pāpurenga

He rārangi matatapu ka whakamahia e ngā tari ture taihara hei whakamōhio haere i ngā pāpurenga mō te tangata hara, pēnei nā, kei hea ake te kēhi i roto i te hātepe kōti, mēnā ka tukuna rangitahitia mai i te whare herehere, ā, āhea ka wātea mō te tukuhere.


Rēhitahia ō taipitopito ki te pirihimana whakahaere i te kēhi.

Te tauākī pānga pāpurenga

He kōrero mō te pānga o te taihara ki a koe. I te nuinga o te wā ka tuhia te tauākī pānga pāpurenga, engari ka taea te whakauru whakaahua, tātuhinga, whiti rānei. Me mātua whakaaroarohia e te kaiwhakawā ina whakawhiu ia i te tangata hara. Ka taea e te pāpurenga te pānui i te tauākī ki te kōti i mua tonu i te whakawhiu.

Te rūma kōti

E whakaatu ana tēnei hoahoa i tētahi tauira o te takotoranga o te rūma kōti, me ngā tāngata ka kite pea koe.



1. **Kaiwhakawā**, ko ia te rangatira o te kōti. Ka whakatau ia mēnā kei te hara te whakapaenga, ā, mēnā kei reira tētahi rōpū whakawā, ka riro mā te rōpū whakawā kē e whakatau.
2. **Te kairēhita o te kōti**, ka āwhina i te kaiwhakawā me te whakarite kei te whāia tikatia ngā hātepe o te kōti.
3. **Te rōpū whakawā**, he mea hanga ki te 12 tāngata māna te whakatau hē ki te whakapaenga.
4. **Te kaiwhiu**, māna e whakahaere te kēhi mō te Karauna, e whakatakoto te kēhi ki te whakapaenga.
5. **Te hunga pāpāho**, he kairipoata e pūrongo ana i te kēhi.
6. **Te kaiwawao**, ka tū hei māngai mō te whakapaenga.
7. **Te whakapaenga**, te tangata ka whakaharaina ki te taihara.
8. **Te hunga tautiaki herehere**, ka tautiaki i te whakapaenga.
9. **Ahurewa mātaki**, te wāhi e noho ai te iwi whānui me te whānau o ngā pāpurenga, te wāhi noho hoki a ngā kaiwhakaatu i muri i tā rātau tuku taunakitanga.
10. **Kaitohutohu pāpurenga kōti**, he āwhina i te kaiwhakaatu kia mārama ai ki te hātepe o te kōti. Kāore pea e noho i te kōti i ngā wā katoa.
11. **Kaitautoko a te kaiwhakaatu**, te tangata i whakaaehia e te kaiwhakawā hei tautoko i te kaiwhakaatu i roto i te kōti.
12. **Te kaiwhakaatu**, he tuku taunakitanga mō ngā mea i pā, ōna mōhio rānei mō te taihara.